

陳氏荷華山房詩稿

陳氏荷華山房詩稿卷之二十一

高安陳邦瞻德遠著

七言律詩七十三首

附七言排律二首

北征

河梁尊酒賦離居北極風雲萬里餘
裘馬壯遊今老大關山蓬髮轉蕭疎
干時非假安期策憂國長懷賈誼書
莫向秋風感搖落千山煙樹擁輶車

過新吳感舊有賦

邑孝廉廖君廣文傳君俱物故

十載新吳是舊遊
路傍指點識征騶
人家烟樹
渾如昨
客子風塵苦未休
寒岫遙連官堠出
晴川曲抱縣城流
秋風擬縱登臨目
其奈山陽笛裏愁

東林寺

石林窈窕入花宮
一鷲還來謁遠公
堦樹似隨新臘改
壁塵已逐舊緣空
風過梵動千巖裡
月上蓮開一水中
此去客愁無着處
長應夢落虎溪東

偶題

青編感慨古今同
萬事出來都覆中
壯士繫奇徒射虎
佳人命薄枉當熊
帳前執戟旋開國
車上更衣便入宮
免走烏飛爭過隙
鷗鷁鸚鵡莫辭空

過桐城邂逅王明初使君有贈

才子曾高染翰名
况傳製錦擅專城
相看王樹風前色
喜聽絃歌花裏聲
故里衣冠連杜曲
新知意氣重東平
征輶更識行春處
麥壠烟青雉

不驚

廬州

形勢江淮表裏雄車書南北往來同千原禾黍
豐年色萬井絃歌大國風鼓角聲連霄漢外樓
臺影散夕陽中時清列戍無烽火覽勝誰論保
障功

紅心驛樓

平楚萋迷望轉長驛樓還見遠山蒼江淮天濶
分星野芒碭雲高望帝鄉萬里登臨悲作客

九秋搖落付銜觴馬頭處處迷烟樹目送歸鴉
斷夕陽

道上逢金崑源通政別後有懷

東來真氣識驂驪洛下豪游舊合簪萬里飛蓬
殊未已十年岐路更誰堪秋風折柳魂俱黯落
日班荆意自酣此去迴看卿月遠還從淮北望
江南

兗城白石橋

石梁斜抱魯封雒何似秦鞭到海東秋渚不愁

填鵲散碧波長見躡虬通人從水面騎青竹天
向晴霄偃白虹欲識梵宮銀色界携壺散步月
明中

過董子故里

風雲猶護讀書臺此日登臨客意哀爾自南冠
邠水泣何人東閣漢廷開遺經氣色留繁露故
國河山半草萊災異頻年難置對千秋重憶廣
川才

京畿道中賦四首

回首脩程隔大東
驅車更出右扶風
郊連桑野
凝霜碧城俯川梁
照日紅三輔
河山長鞏固五陵
裘馬自豪雄
誰憐賈誼非年少
挾策重來謁漢宮

其二

北極風雲擁傳過
壯遊華髮未蹉跎
百城帶礪今天府
萬里帆檣古運河
笛裏關山明月遠
角中霜雪落梅多
酒酣客思愁無奈
夜半燈前把劍歌

其三

川原環帶路逶迤
攬轡其如問俗悲
總道閭閻空杼軸
况聞閣輔有流移
天低野樹鴉啼急
地入寒山馬去遲
夕照孤烟惆悵裡
白頭吟罷苦低垂

其四

紅顏結綬二毛侵
萬事依然尚陸沉
非土登樓王粲賦
平生戀闕子牟心
長纓堪請嗟遲莫
短鋏羞彈苦滯淫
燕趙相逢多俠客
爲予擊筑一

悲吟

瀛臺次家鉉翁韻

瀛城虎踞有高臺，秋日遙臨亦壯哉。
代漠烽烟隨鳥沒，渾沱雪浪自天來。
西風舊灑羈臣淚，北雁長生過客哀。
三輔于今饒王氣，清時登眺好銜杯。

早朝

天街雨過靜紅塵，閭闔遙臨霽色新。
仙仗周廬嚴虎士，曙河高閣報鷄人。
華簪列直瞻供奉，蒼

王重鳴愧遠臣箴就丹晨猶未獻祇憑拜舞對
楓宸

曾太史先像代題

避俗非高處士名海濱鷗鳥共忘情紫芝眉宇
曾誰識角里衣冠自可驚有子還爲天下士生
平不愧汝南評欲知世業饒文采視草于今動
漢京

復除豫轄拜 恩早朝賦

曙光遙映五雲飛新捧除書拜紫微鷄舌幾時

前更惜舞風斜青驪興在梁園道授簡從來事
可誇

安義夜宿不寐懷大理諸卿

征騂迢遞向中原春色淒迷愴別魂鄉淚重沾
游子袂客心還戀故人尊寒煙古渡昏移棹細
雨孤城坐閉門鐘漏不聞人影靜思君愁絕共
誰論

廬山

蒼嵐片片點征衣夢裏廬山知是非霧織松林

無鳥度雪深石徑有僧歸屏風匝地鋪雲錦瀑
布連空落翠微耳畔嘈嘈天樂遠仙人不見紫
烟飛

楚山莫行遇雨宿西河驛竟夕淋漓賦此
紀事

鳴鷄候館倒征裳落日踟躕路未央春澤蒸雲
千里莫楚天飛雨萬山長戍煙明滅迷村樹汀
水空濛認野航伏枕寒聲蓬屋滿夢魂疑是在

瀟湘

道過黃州值雨欲遊赤壁不果

黃磯赤壁自千秋風雨何嘗阻勝遊
山色空迷南北望江聲長帶古今愁
英雄有恨事俱往道士無言夢已休
試問武昌何處是吳宮還對暮煙浮

許城卽漢潁川郡

鳳凰不見獨高城魏殿還聞野草生
千里片雲來暮色四郊新雨足春聲
柳邊飛旆鶯頻啼花裏停輶酒自傾
向夜不妨人寂靜客堂深映德

星明

朱仙鎮再賦

長煙猶似擁征旗，千古傷心淚自垂。
河北香盆迎馬日，江南金字罷兵時。
書從魏篋藏應滿，劍出秦庭賜肯遲。
莫向祠前瞻列柏，春風不散歲寒枝。

渡河

萬里洪濤自古今，片帆徑渡快登臨。
中流不見魚龍湧，往事空傷壁馬沉。
野岸人歸煙樹渺，長

堤鳥度白雲深春風幾處桃花水客路東西
滯淫

鄴城懷古次壁間馬大史韻

荒城一眺客愁新往事惟應問水濱公子空遊
西苑月美人已化鄴宮塵臺傾疎樹無歸鳥路
轉斜陽有去人霸業無憑身似夢不知今古定
誰真

初抵磁州行署寓興

使臺高起傍漳河春色遙隨露冕過風動城頭

鳴曙角霜明帳下列雕戈天低燕薊雲霄遍地
接中原烟樹多何限登臨千古興壯遊華髮已
蹉跎

鄴城公署撥悶時方苦旱

征輶幾向鄴城停酒盡愁生笑獨醒霸業三臺
俱寂寞宦情五斗獨飄零火雲畏見高原白煙
樹空憐小院青此際故山狐兔往紫芝之歌好共
誰聽

署中送家孝廉祗台南歸

獻賦才名動帝畿
征驂還向故園歸
石渠久合須劉向
洛下誰當薦陸機
送客春殘東道柳
思鄉夢入故山薇
一尊強對難成醉
總爲風塵未拂衣

秋日

鄴臺桐葉乍驚秋
處處蟬聲動客愁
望裏關河催日暮
別來鄉國對雲浮
篋琴欲鼓憑誰聽
床劍哀鳴不自由
漫學東方誇吏隱
無如投劾向滄洲

賦得秋夜

明星寥落月華團桂樹蕭疎白露寒銀漢經年
還駕鵲王簫何處並乘鸞江湖風浪三千里道
路雲山十二盤遙夜傷情長短笛高樓休更倚
闌干

七夕雨

銀漢風高鵲正飛南樓月暗霧霏霏似携神女
巫陽雨細濕天孫雲錦衣環佩淒清綃幕冷房
櫳寂寞玉繩微寒聲不共銅壺盡客夢孤槎海

上歸

中秋夜再賦

杯酒他鄉嘆白頭
登臨無興似南樓
嬋娟遙共關山色
風露初分河漢秋
刁斗應知驚客夢
玉繩如欲綰人愁
非同太史悲留滯
牢落孤城異壯遊

萬壽節遙祝禮罷有賦

使館秋風五夜驚
目縣斗柄憶神京
鐘鳴拜舞瞻天近
角罷樓臺對月明
城堞鷄殘來曙色
井

梧鴉出帶寒聲遙思獻納多金鏡萬里空馳扈
蹕情

一日秋風盛作淒然有懷賦此遣之

捲地風聲萬里來異鄉搖落意悲哉三刀沉陸
身難達兩鬢經霜老易催斗氣蒼茫搖按劍秋
光蕭屑對銜杯古臺欲上舒長嘯銅雀孤飛去
不回

寄懷劉正所廣文

落葉黃雲擁道周鄴臺孤客賦離憂愁聞空館

梧桐雨苦憶高齋苜蓿秋
謝客虛縣徐孺榻懷
人長倚仲宣樓可憐雙鬢滄浪盡尚記垂髫說
舊遊

趙淮羣侍御過磁因餽酒有詩詒謝賦此
爲荅

候館初停五驪驪鄴臺秋氣變淒涼晴雲忽聚
天邊紫明月疑飛柱下霜濁酒還憑澆磊塊新
詩便欲引清商獨慙地主空傾蓋不及從容學
負牆

可笑

仙家不送青鸞至阿閣偏容赤鳳棲明鏡江南
分半影琵琶塞北伴幽啼漫勞宋玉賦神女可
笑文君是鬼妻瀟灑徐郎金作管玉臺新詠爲
誰題

有荅

客舍蕭條意未疎煩君記憶道何如吏人散後
聞啼鳥過客稀時讀古書京國交遊忘問訊故
園妻子且安居種瓜舊買東門地不久歸來學

荷鋤

雪霽

五夜飛花遍雪宮
曉來瑞氣接長空
寒光似對輕霞湧
秀色還從霽景融
天外瓊峯爭杳靄
庭中玉樹更青蔥
少年曾是梁臺客
作賦于今愧未工

至日遙賀有賦

七日陽灰飛鳳管
五更漏點集鵷行
觚稜月落低千仗
閣道風回散御香
侍從枚臯常扈蹕
周

南司馬尚浮湘天涯雲物
楓宸遠誰信羈情

一線長

冬日登銅雀臺二首時約督學呂使君同
至偶以事左偕臨漳李令尹賦

聖陵故處總蒿萊置酒憑誰問古臺興在不辭
王禕遠路岐無奈呂車迴地荒水井苔間沒水
落潭流霧裏來飛鳥願逢河上宰賦詩定有建
安才

其二

岸遠沙平見濁漳
高臺佇立俯蒼茫
千秋王氣收河朔
一帶寒烟隱太行
詞客凌雲思授簡
美人爲土惜分香
登臨此去休回首
無數鴉啼送夕陽

講武城

早春風日尚淒淒
晚色驅車出淦西
古道塵生知露薄
荒城樹暗覺雲迷
英雄事去殘青史
河朔時清息戰鼙
我自飄零驚歲月
關心幾度聽烏啼

荊軻里

荊卿故里古淇東千載荒榛一望中
俠氣尚堪寒白日遙天猶似亘長虹
酒人誰識名堪隱劍客徒嗟術未工
我亦羽聲饒慷慨無端馬首咽悲風

白馬寺

世傳宋康王南奔失路得白馬乘之以前既渡視之則泥馬也寺其

故處

胡兵蹀血下幽燕帝子單車去不前
豈有金戈能北指尚聞白馬送南遷
百年再造江東日萬

里誰瞻河朔天
漫向招提尋斷碣
空思板蕩一
潛然

嘆春

長亭無柳復無花
客裏春光倍可嗟
雲散高原蒸白日
風吹大陸獵黃沙
地非巫峽誰行雨
樹似天台不見霞
我自思歸歸未得
王孫芳草意何賒

署中臥起偶得

華髮空慙作賦才
春來客思苦難裁
天寒徑畔

無芳草地靜牆陰有古苔多病韶華供伏枕窮
愁意氣付銜杯誰憐楊子耽奇字寂寞玄亭夢
幾回

春日雨後之漳城道中花柳青苗爭秀欣
然有賦因懷歸思故有末句

雨過春郊洗客愁風前鼓角動鳴騶塵消古陌
紅初薄日射原田翠欲流千畝總成芳草路五
陵誰逐少年遊可憐遙夜清漳月夢落江南何
處樓

新安程用貞文學北上過滄有贈

十年爲別意何如南浦秦淮千里餘誰向楊雄
還問字空思梁鵠但懸書相逢河朔一杯酒絕
勝雲安雙鯉魚此去行歌燕市裏論詩說劍有
吹噓

汴上五日

留滯周南事可嗟舊京流眺興猶賒千門柳碧
長縈霧夾道榴潁欲闔霞漫向佳辰傷物役空
從岐路老年華濁醪澆罷堪岑寂不管人間競

渡譚

夏日行部共城趙使君五視招飲百泉舟
中雷雨忽至清風颯然雨止月光如晝作
此紀事

攬轡奇遊傍百泉開尊一葉美清漣寒聲漱石
驚新雨淨影浮天帶暮烟空外阿香車乍轉宵
中娥魄鏡孤縣回橈興在應難盡笑殺山陰雪
夜船

夏日彰衛道中

強將岐路識西東滿目塵飛十丈紅揮汗獨愁
流赫日披襟誰爲起雄風幽情剩擬臨水壑高
會還思向雪宮河朔舊聞堪避暑其如身寄馬
蹄中

再視淦渠慈問水亭賦

西門故跡已蒿萊千載新渠淦口開浩渺青天
銀漢落縈迴古洞玉龍來柳陰倒影還停蓋荷
氣迎風一舉杯避暑池亭銷永夏世間誰是作
霖才

得家書報生第五孫志喜

第五高名自古傳書來消息報孤懸聚星堂上
應加膝群玉班中定比肩家世敢期仍甲榜祖
孫偏喜共丁年遙思湯餅歡聲異並說將雛學
孔鸞

余往來漳河者屢矣獨茲行值雨新漲舟
次頗有洶湧之勢爲賦一律

漳濱南去逗征輶目斷平沙上暮潮風雨天連
三晉濶煙波秋隔兩河遙漢臣自識浮槎路帝

子還疑上漢橋獨有塵容慚利涉強將長嘯對
停橈

偕趙五視憲副再飲百泉因過趙戶曹山
園有作二首

出郭雲山興渺茫濯纓偏喜向滄浪銜杯石上
生新月放棹尊前動晚涼勝地不妨長共醉故
人幾度得相將君看秋色秦川裏白露空思水
一方

其二

山色泉聲共酒尊爲憐幽築更停軒雲蘿窈窕
疑無徑煙樹參差併在門方朔幾曾辭大隱辟
疆元自愛名園誰知別後耽歸思夢繞江南水
竹村

七夕前一日立秋

萬里關河重客愁那堪庭樹更驚秋上林昨日
飛鴻雁銀漢來宵會女牛望遠目縣天北極思
歸心逐火西流不知風露別離夕故國何人爲
倚樓

趙五視憲伯再招王氏園夜集月下泛舟
有賦

園林清絕嘯臺邊
杯酒從容避暑年
暮色遙含山杳靄
秋容新洗月嬋娟
非關留滯遊能數
自是招尋興已偏
夜半扁舟更超忽
誰知李郭是登仙

秋日偶占

頭白孤城有所思
登臨正是早秋時
千林滴露猶無恙
一葉隨風已自悲
紫燕應知辭舊社
玄

蟬何苦傍寒枝
杜陵未少驚人句
總爲傷情賦
別離

秋思

二子爲客倍堪憐
多病逢秋苦未痊
小院獨吟
還細雨孤城一
望總浮烟
寒聲日暮丹楓急
霜信天高白雁
縣宋王自來悲
作賦楚山搖落更
無邊

中秋月暗寓獲嘉作

關河迢遞復分秋
杯酒懷人重客愁
况覩寒雲

昏遠道空思明月共高樓南飛似欲迷烏鵲西
望何因識斗牛燈下更尋招隱讀山中桂樹可
銷憂

詩成後忽憶昔年偕伯容廣文過俊卿侍
御打門痛飲直抵月没方散今二文皆爲
古人矣念之悵然有作

忽憶風流柱史才當年此夕興豪哉千峯明月
迎門上五夜高樓爲我開往事尚添游子淚殘
生空憶故人杯廣文亦是修文客寂寂寒光兩

夜臺

將發覃懷聞沁水漲不果

山城寒雨逗征車聞道河流漲莫沙
百里衝泥愁攬轡千重破浪悵浮槎
青袍白髮有何意去鳥來雲只自嗟
突兀太行終在眼更憑蒼翠望晴霞

七言排律三首

齋中感念浙兒勝痛欲絕書此當哭用杜
韻

空齋兀坐晝冥冥
怕見莓苔盡意青
衰淚時時縣玉柱
愁腸寸寸割青萍
東門語達徒當哭
羸博聲悲不可聽
乳燕習飛穿故幕
雛鶯學語轉孤亭
前身尚憶襍羊穴
他日空期過鯉庭
豈以高明遭鬼瞰
可堪垂老困天刑
秋深桂冷殘金粟
夜靜衾寒怨小星
最是荒原風露處
傷心腐草變飛螢

夢

高樓獨夜擁重扉
斗帳聲沉滴漏稀
蝴蝶何來

戒羽化鹿蕉底事未忘機千重雲水非難越萬
里關河已乍歸柳絮依依吹舞閣蘆花漠漠度
漁磯只知帝所天長近那識華胥世已非蕭寺
自流梁月滿楚山不盡峽雲飛雨催簷鐵魂猶
戀風送城鐘意欲遠傳語春閨休腸斷此中有
路向金微

偶題

淦陽羈客近何如歡意非多恨有餘春草長懷
三徑沒秋風復嘆二毛疎寒枝棲宿愁烏鵲遠

水浮沈憶鯉魚有筆欲題江夏賦無媒可寄洛
橋書俸錢羞學侏儒飽手板平將傲骨除千騎
誰憐持使節一爐自笑擁僧居嬾從移檄煩官
長僻爲抄詩困小胥何限草堂猿鶴怨太行山
畔待回車

陳氏荷華山房詩稿卷之二十一終

陳氏荷華山房詩稿卷之二十二

高安陳邦瞻德遠著

五言絕句八十一首

附六言詩五首

蕪湖道中遇雪

聽雨不成眠
起來見微雪
寒聲在空中
簷曉色半明滅

其二

簷隙弄微光
寒風初淅淅
曉行君莫辭
遠岫有佳色

南陵道中薄莫雪大作

黃昏不可行山路轉崎嶇風氣利於刀雪花大如笠

其二

僕馬縮如蠅前牽後已僵南陵不可到十里宿箭塘

雪中見桃

霜淞縷新葉冰花綴舊條如何春意巧和雪入桃梢

月夜

鴉啼雁陣寒夜色滿江干
遙憶杭州月閨人好
獨看

古意

臨川望音信怕有鯉魚來
日暮空歸去寒潮日
自回

橫塘曲

家住在橫塘荷花對面香
常因戲花側弄水濕
羅裳

其二

往來橫塘下桂檝羅烟渚共在一水間花深不
得語

其三

歡船順潮來儂船逆潮歸相逢欲相問兩槳快
如飛

春日分韻得者也

香車連寶馬盡是看花者老大不時宜花朝閉
門也

偶書

瑤琴只自縣木榻爲誰設
堦淨不生塵夜扉浸秋月

汲婦

籬邊井脉枯野汲走村姑
更貸鄰家米朝炊已及脯

雪意

山寒鳥不飛村裏人將絕
孤客獨歸遲與在江天雪

感事

悍吏虎而冠疲人魚在釜朝朝春雨聲長逐吟
聲苦

七月八夜

曙色動銀河香車已回渡今宵機杼愁昨夜廣
寒妒

苦熱二絕句

山村消渴裏毒熱意如何欲往雪宮去難隨鳥
翼過

其二

風露三秋杳火雲萬里燃
掩頭無坐處鎮日得長眠

其三

荒村希水竹僻逕滿蓬蒿
屋窄愁蒸甑江空憶美舫

野花

野花媚疎籬紅潰白亦淺
含笑如有情風吹露華泫

過薛

斷碑古路傍云是孟嘗宅前路亂鳴鷄猶疑出
關客

舟夜值雨

易下征人淚不煩夜雨聲如何孤蓬底斷續到
天明

漫書

欲問春消息羅浮路自賒口八因香染雪誤道是
梅花

別鄧時寧

陌頭千萬樹各自媚青春只是垂楊柳依依解
送人

樓夜

秋至不解悲小樓坐明月忽聞林外聲始悟涼
颼發

戲爲七絕

少年愛終軍雅亦慕朱雲請纓空自說折檻竟
誰聞

其二

喜至卽命觴愁來亦把盞功名無到頭花鳥但
經眼

其三

兩度長安事開口莫重陳寡和
非下曲薄命是
佳人

其四

牀頭萬卷書匣裡三尺劍生事未全貧五湖烟
雨占

其五

游戲雖云樂結交慎勿錯大道有狹邪朱門多
輕薄

其六

那能學草玄亦莫是求仙壺中真有道一斗合
自然

其七

百年夢底身萬里夢中人鴻飛那記雪花落已
忘春

雪中

柴門風雪裏黯淡不須開縱有故人訪多因興
盡迴

漫興二首

聞道梅花發何妨雪裏尋非因顏色好欲識歲
寒心

其二

柏塞眼前事何當一解顏小樓偷坐處且看雪
中山

卽日戲書

估婦媚藻砧輟櫓肥背癢笑戲茶家郎空作磨
姑想

早鴉曲

幽夢破遼西過鴉帶月啼一枝相傍好何事厭
朝栖

送窮日戲作

寂寞窮爲伴柳榆鬼笑人家僮仆結柳空藏道
旁春

偶作

刺眼堦前種新枝間舊條怕見相思子因憎豆
莢苗

過巢縣

昔聞箕山塚今過巢父城信有逃堯者世人不
須驚

卽感二首

登高望故鄉故鄉在何處身隨宿鳥留魂與飛

雲去

其二

落日望江干江流入煙霧不辨西江船空疑歷
陽樹

班婕妤二首

鳳輦恩中絕掖庭夜已空猶將舊時意托怨向
秋風

其二

歛分歸長信逢秋不自悲無端明月夜歌管別
宮吹

夜泊三山公館戲爲四絕

田影歸人散
林聲宿鳥還
客程何處泊
落日是三山

其二

昨向三山來
今向三山住
尚疑青天外
別有三山處

其三

三山在何許
聞在海中洲
神風夜半起
吹落大

江頭

其四

簪在江心望巘岵倚碧空可憐今夜月秀色落
杯中

山行

夜宿萬山中曉行千嶂上雲深不見人格磔山
禽響

春日二絕

咄咄半生事悠悠二月天芳菲都不管風雨閉
門眠

其二

春晝增慵嬾長眠不理書飛來夢裏蝶過盡隙
中駒

幽意

北牕當晝眠意與羲皇會山雨爲誰來濤聲喧
近瀨

其二

夕煙浦浦遲春水田田滿魚鳥更親人幽情不
在遠

獨居四咏

曉

飛鴉何處啼
夢破霜天曙
殘月逗寒窗
窺人不欲去

晝

咄咄坐書空
悠悠日卓午
起看屋外山
時見輕烟吐

晚

遠岫宿寒雲
前枝投暮鳥
因思山下村
響答客樵

歸叟

夜

低空耿玉繩當戶寒金鏡欲問夜何其情然發
高咏

偶書

雁從西江迴不帶西江字落帆龍尾灣不自西
江至

安樂窩二絕

蒼蘚滿山門登臨日色昏坐聽啼鳥罷吾意亦

忘言

其二

寂寞蘇門路淒涼邵子窩
漁樵無問答隱几白雲過

撥悶三絕

徑草露初濕盆荷珠未消
泛牕暎曉日交柯響輕颺

其二

舍淨人不到園幽鳥自歌
火榴紅未已石竹翠

仍多

其三

繡澁床頭劍紛披架上書
客居頭盡白吏隱意何如

塞上曲六首用盧綸體

漢將久和戎邊城不舉烽
可憐明月夜刁斗淨
盧龍

其二

王塞寂無譁華夷正一家
宛駟肥苜蓿胡女醉

琵琶

其三

瀚海草長青燕山不勒銘從教沙漠外
王庭

其四

射獵競驍雄秋風響角弓將軍調白馬
猛士獻
玄熊

其五

陰山落日黃草動見牛羊鳴鏑天驕子
吹笳古

戰場

其六

萬里胡塵滅千秋漢道昌
關山明月滿昴宿更無光

漳河二首

愁見漳河水東流去不回
西陵今夜月曾照總帷開

其二

愁見漳河樹春來歲歲紅
東風吹不去偏落館

娃宮

寄衣曲

苦憶機中婦關山未得歸
寒風吹葉盡不見寄來衣

落日

白日落西山西山日不還
春殘金谷樹人老玉門關

落葉曲

欲落未落時殷勤戀故枝
西風朝暮急更與盡

情吹

其三

逐日西山落帶雲
北渚飛枝頭無限鳥
誰與護毛衣

臨漳道中

望望漳水頭
黃塵起如霧
但聞流水聲
不辨西陵樹

曉起對雨志喜

向夕聽鳴鳩
雲陰隱西旭
曉牕眼忽明
新雨洗

度綠

問柳二絕

千樹鵝黃柳迎風故美春長亭一杯酒何日送
歸人

其二

嫋嫋紅亭畔依依綠水濱春風堪得意何事但
眉顰

老別

少別腸已煎老別聲更咽待得更相携兩鬢盡

成雪

湯陰公署竹石

片石玲瓏色疎篁蒼翠陰此君兼此丈相對暫
開襟

六言詩五首

偶書

閒居自可遺俗靜坐何須覓心小院悠悠日午
古牆漠漠苔深

送客

移家偶住江上送客頻來渡頭遠樹連天去鳥
寒潮帶雨歸舟

少年

一劍知心非淺千金博笑猶輕今日青樓縱飲
明朝紫塞橫行

山行

躡蹻纔通箭栝背崖忽有人家孤雲獨鳥何去
落日吹烟共斜滴澗縣泉自落叅天古木重遮
但得輞川好手圖來處處堪誇

冬夜

月色濛濛碧落星光點點闌干捲簾忽憶人遠
繞樹相隨影單客興仍兼歲盡離愁不共更殘
哀鴻栖宿何處野水蘆花自寒

陳氏荷華山房詩稿卷之二十二終